

PLOANIES SAN MARTIN Y LUNGIARÜ

N valgügn de nüsc jogn che á complí 16 agn ciará ai 12 d'aurí – do n ann de preparaziun - le Sacrament dla Crejima. I inviun de cör döta la comunité da i acompagné cun l'oraziun perian por ëi na novëna, meton man en Vëndres sanc, ai 03 d'aurí. I podëis dí la oraziun al Spirit Sant injuntada o chëra ch'i ciáfëis tl "Laldun le Signur" al nr. 10 o ince d'atres oraziuns.

Le mercui, al 1 d'aurí, él dales 20.00 te dljia da La Val na ora de oraziun por l'interzesciun de siur Heinrich Videsott cun esposiziun dl Santiscim.

La Uniun dles ëres da San Martin y da Lungiarü vënn en Pasca do mëssa rôses "Na rôsa por la vita - mostra n sëgn de to amur" por l'Assoziaziun Südtiroler Krebshilfe.

SAN MARTIN

Do ch'al é gnü partí fora le decunt dla ploania por l'ann 2025, ves periunse indô dër bel da paié ite por l'ann 2026 cina ala fin de merz le contribut por la cöra de 40 euro por vigni porsona che á complí 18 agn (tuc fora studënc y studëntes) söl cunt dla cöra: IBAN IT11J 08010 58830 000304004922.

I sorvidus se conforta ch'i metunse val' te so cëst en Pasca y dij bel sëgn dilan.

LUNGIARÜ

La Ploania da Lungiarü rengraziëia dër bel Pio Pescoller che fistidiëia ann por ann da condüje adalorch le bel orí por l'ingres da festa la Domënia dl Orí.

En Pasca do la gran mëssa se conforta i sorvidus do na spënora y ai ti aoda a döta la comunité na buna Pasca

Por stlúje jö l'aziun de sensibilisaziun por la pesc, inviëia le KVV vigni familia da se tó para na picia ciandër, metüda fora en Sabeda Santa sëra sön un di pici altá.

Le KVV Lungiarü y le Consëi de Formaziun inviëia a n curs de ginastica lisiera cun l'insegnant de sport Davide Moling tla palestra de paisc ai 14, 21 y 28 d'aurí y ai 05, 12 y 19 de ma dales 20.00 - 21.00. Le cost é de 50 € por i mëmbri KVV Lungiarü y 58 € por i atri. Iscriziuns pro Annamaria 338 73 75 305.

Döt le bun a chi che complësc i agn d'aurí

a San Martin

Clara Castlunger che nen complësc 80 ai 6

Waltraud Ploner che nen complësc 80 ai 9

Paul Sorà che nen complësc 84 ai 15

siur Iaco Ploner che nen complësc 82 ai 22

Sepl Frenes che nen complësc 87 ai 22

Sepl Unterweger che nen complësc 97 ai 24

Albert Costabiei che nen complësc 82 ai 26

Anna Penazzi che nen complësc 88 ai 28

a Lungiarü

Dorina Demattia che nen complësc 82 ai 16



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194


29.03.26 - 05.04.26 n. 18

termo por comunicaziuns: jöbia, dales 20.00


DOMËNIA DL ORÍ - A

Vangele do san Matí 21,1-11

Canche Gejù ê a Bèttaghe söla Munt dl Orí, àl ortié dui discepu danfora y ti à dit: Jide tl païsc che é dan os; dailò ciararëise na müscia tacada y n polorin laprò. Destachédela, y condejedemla! Y sce zacai ess da ves dì val', spo respognede: Le Signur l'adora, al la lascia defata condüje derevers. Chësc é sozedü por ch'al s'adempliss ci che é gnü dit tres le profet: Dijedi ala fia de Sionn: Cíara, to re vëgn da tè. Al ô la pësc, y al raita sön na müscia y n polorin, söl polorin de n tier da port. I discepu é jüs y à fat ci che le Signur ti â dè sö. Ai à condüt la müscia y le polorin, à metü sü guanç sön chisc y spo s'âl sentè lassura. Tröpa jënt destenò sü guanç ia por strada, d'atri taiâ jö rames dai lëgn y les sternò ia por tru. La jënt, che jô danfora y che ti gnô do, scraia: Osanna al Fi de Davide! Benedi sides ël, che vëgn tl inom dl Signur. Osanna tl plü alt dl cil! Canch'al ê jü ite te Ierusalem, s'â döta la cité emozioné y an damanâ: Chê é pa chësc? La jënt dijô: Chësc é le profet, Gejù da Nàzaret tla Galilea.



Cun le bato tolunse pert ala dignité da re de Gejù. Por Idí unse le valor de resc y i sun batiá ite tla mort y tla ressureziun de Gejù. I sun cherdá ala vita, da jí por la vita da resc, ston sö y chirin la pesc sciöche Gejù. Soferënzes y crusc nes gnará nia sparagnades, mo i podun les porté tla forza de Crist che é plü sterscia co la mort y desdruziun. Te nosc daite podunse sté sö y tres indô nes derzé sö danü. I aldiun pro Gejù che é mort y ressorí. T.D.

EDEMA - A	SAN MARTIN	LUNGIARÜ	Jöbia Santa
29.03.26 DOMËNIA DAL'ORÍ ann A Ora nöia!	10.00 Benediscium dl orí (<i>don Marco</i>) dan calonia y ingres te dlijia Gran Mëssa por la comunité + Stefo Costabiei + Milia Vantsch, dl ann defunc de Gröpa ++ Paul y Maria Graffonara, dl ann	8.00 Benediscium dl orí (<i>don Marco</i>) dan calonia y ingres te dlijia Gran Mëssa por la comunité vis y def. dla fam. Giovanni Chiusura aniv. Sabina Deiaco vis y def. de Albina Mischi, Pecëi ++ Rudi y Monica Moling	Jöbia Santa Pan partí tol la fan tl bojëgn Pan partí fej indô ch'an se vëgn Pan partí fej gní vëi so rëgn Pan partí desmëntia ia le tort Pan partí recorda süa mort Pan partí dá confort
30.03.26 <i>Cuirin, Leonard</i> Lönesc			Vëndres Sanc Gejú damanâ, cherdâ y scraia do Idí, mo te süa presënza ne dubitâl nia. Gejú â na gran tēma, forsc dër na grana, impó stôl injopé ite te süa fidënza te Dî. Tres parôl ch'al savess che Idí ê chiló. Ince Gejú ne capî nia Idí, mo al ne le loghenâ nia. Por Gejú ê Idí val' de sigü, ince sc'al ê söla crusc döt scür por ël.
31.03.26 <i>Cornelia, Guido</i> Dedolönesc	8.00 Mëssa di scolars de terza mesana + Heinrich Clara, dl ann + Helmut Frenner		
01.04.26 <i>Irene, Hugo, Gilbert</i> Dedemesaledema	18.00 Les Staziuns cun la Uniun di ëi		
02.04.26 JÖBIA SANTA <i>Francësch da Paola</i>	18.00 Missa in coena Domini (<i>siur Klaus</i>) dedô Adoraziun dl'Ora santa	20.00 Missa in coena Domini (<i>siur Klaus</i>) Lavanda di pîsc ai neocomunicanc ++ Isidoro y Monica Mischi aniv. + Davide Dapoz dedô Adoraziun dl'Ora santa	
03.04.26 VËNDRES SANC <i>Richard, Elisabeta</i>	15.00 Pasciun y adoraziun dla Crusc Oferta Misereor (<i>pater Shenoy</i>)	8.00 Ora d'adoraziun 9.00-9.30 Adoraziun por i scolars 15.00 Pasciun y adoraziun dla Crusc Oferta Misereor (<i>prou da Oies</i>)	Sabeda Santa La fossa n'ê nia la fin. Le defunt vëgn sopolí. I sü resta indô tla plüra. Ai â ma podü ciaré pro y â messü soporté le dolur. Ci che sozedô pro la sopoltöra de Gejú sozed miliuns de iadi sura dôt le monn, sce geniturs mëss lascé jí n möt, sce fis y omi toma te vera, y ince sce la mort vëgn do na maratia lungia. La fossa n'ê nia la fin. Le mort ressorësc dala palsa y i sü n'ê atira gnanca bugn da le capí, y spo é la ligrëza grana. Ci che vel por la fossa öta de Gejú pó ince valëi miliuns de iadi sura dôt le monn. I stentun madër da le creïe. <i>image</i>
04.04.26 SABEDA SANTA NÖT DE PASCA <i>Francësch y Iazinta</i>	8.00 Ora d'adoraziun por duc 9.00 Adoraziun por scolars y scolares 19.30 Festa dla Nöt de Pasca (<i>don Marco</i>) Liturgia Löm, Impormetüdes dl Bato, Eucaristia	8.00 Ora d'adoraziun 9.00-9.30 Adoraziun por i mituns 19.30 Festa dla Nöt de Pasca (<i>siur Klaus</i>) Liturgia Löm, impormetüdes dl Bato, Eucaristia	
05.04.26 DOMËNIA DE PASCA DOMENICA DI PASQUA OSTERSONNTAG	10.00 Mëssa solëna dla comunité y benediscium dl signé (<i>don Marco</i>) por fam. Franz Ploner + Hermann Burkia + Giovanni Unterweger 18.00 Öspi de Pasca (<i>don Marco</i>)	8.15 Mëssa solëna de Pasca (<i>don Marco</i>) y benediscium dl signé 14.30 Öspi de Pasca (<i>don Marco</i>)	